

FIF - Go Digital Pilot Projekat u BiH - ProCredit Bank

Zemlja:	BOSNA I HERCEGOVINA
Broj projekta:	53531
Poslovni sektor:	Depozitni kredit (banke)
Vrsta obavijesti:	PRIVATNA
Okolinska kategorija:	FI
Ciljani datum odobravanja:	10.maja 2022.
Status:	Isplata
Datum objave PSD-a na engleskom jeziku:	19.maja 2022.

Opis projekta

Davanje zajma bez instrumenta osiguranja u iznosu do 5 miliona eura koji će se isplatiti u dvije tranše od 3 miliona i 2 miliona eura u okviru programa *Go Digital Pilot* u BiH ("Program"). Druga tranša od 2 miliona eura je neobavezujuća i izvršenje iste je isključivo na osnovi diskrecijskog prava EBRD-a. Ovo će biti prva transakcija u sklopu Programa. Za zajam će u potpunosti garantovati jedini dioničar, ProCredit Holding AG & Co. KGaA. Program je podržan donatorskim sredstvima Europske unije u ukupnom iznosu od 9 miliona eura.

Ciljevi projekta

Kroz Projekat se ostvaruju ciljevi Programa: (i) da poboljša pristup finansiranju malim i srednjim poduzećima kako bi se uložila dodatna sredstva za uvođenje EU standarda kroz pružanje finansiranja i poticaja za ulaganja; (ii) probni pristup da se podrže mala i srednja poduzeća koja ulažu u automatizaciju i digitalizaciju, (iii) podrška prijelazu na zelenu ekonomiju ("GET tehnologije"), sa ciljem prihvatljivog GET udjela od najmanje 60%, i (iv) povećanje svijesti i znanja malih i srednjih poduzeća u Bosni i Hercegovini ("BiH") kroz usluge Savjetovanja za mala poduzeća ("ASB") s fokusom na projekte automatizacije i digitalizacije.

Tranzicijski uticaj

ETI 65

Projekat doprinosi općim ciljevima *Go Digital Pilot* programa u BiH, podržavajući konkurentne i zelene TI kvalitete.

Konkurentnost: Projekat će poticati konkurentnost malih i srednjih poduzeća u Bosni i Hercegovini (i) pružanjem podrške malim i srednjim poduzećima u pristupu finansiranju za ulaganja u skladu sa standardima EU; (ii) ciljanje finansiranja značajnog udjela automatizacije i digitalizacije ovim ulaganjima; i (iii) nuđenje potencijalnim i sudjelujućim podzajmoprimcima savjete i znanje za veću konkurentnost malih i srednjih poduzeća s fokusom na uvođenje i provedbu ulaganja u automatizaciju i digitalizaciju.

Zelena kvaliteta: Projekat će također doprinijeti kvaliteti utjecaja zelene tranzicije rješavanjem energetske efikasnosti kao dijela prihvatljivih aktivnosti ulaganja malih i srednjih poduzeća u BiH. Projekat će pridonijeti izgradnji zelene ekonomije u zemlji olakšavanjem širenja ulaganja u ublažavanje klimatskih promjena i dijeljenjem pozitivnog demonstracijskog učinka putem kreditiranja malih i srednjih poduzeća.

Podaci o klijentu

PROCREDIT BANK DD

ProCredit Bank dd BiH ("PCBiH") je komercijalna banka u Bosni i Hercegovini orijentirana na mala i srednja poduzeća s 2,0% tržišnog udjela imovine, 2,4% tržišnog udjela bruto kredita i 1,6% tržišnog udjela depozita na dan 31. decembra 2021.

EBRD Finansiranje

EUR 5,000,000.00

Ukupni troškovi projekta

EUR 5,000,000.00

Okolinski i socijalni sažetak

Kategorija FI (ESP 2019): PCBiH je postojeći klijent Banke te će se morati nastaviti pridržavati PR-ova 2, 4 & 9, te nadalje, provoditi EBRD-ove E&S procedure upravljanja rizikom za korporativne, male i srednje poduzetnike i mikro zajmove, uključujući pridržavanje proširene EBRD-ove E&S liste isključenja i liste preporuka uvedenih s ESP 2019 i podnositi godišnje E&S izvještaje Banci. Korištenje sredstava Projekta ili dodijeljenog višestrukog iznosa može uključivati solarne potprojekte. Takvim potprojektima upravljat će se u skladu s „Predloženim pristupom upravljanja za rizik lanca opskrbe solarnom energijom” (CS/FO/21-35) i svim naknadnim smjernicama razvijenim u skladu s

tim pristupom. Potprojekti u okviru ovog okvira (OpID 53186) će na pojedinačnoj osnovi biti pregledani od strane ESD-a, s očekivanim GET-udjelom od 60%.

Tehnička saradnja

Go Digital Pilot program u BiH podržan je bespovratnim sredstvima Europske unije za finansiranje (i) isplata poticaja za investicije podzajmoprimcima ("Ne- TC") u ukupnom iznosu 6.000.000 EUR, i (ii) tehničku saradnju ("TC") u ukupnom iznosu 1.600.500 eura.

Non-TC: Grant sredstava su predviđena za investicijske poticaje podzajmoprimcima za realizaciju prihvatljivih investicija u skladu s Izjavom o politici *Go Digital Pilot* u BiH.

TC: TC uključuje podršku za Projektnog konsultanta koji će pomoći u provedbi i praćenju cijelog Programa i zasebnog konsultanta za verifikaciju koji će provjeriti tehničku provedbu ulaganja od strane podzajmoprimaca prije isplate poticaja. Dodatno, ASB će s ukupno 994.500 eura bespovratnih sredstava Europske unije podržati mala i srednja poduzeća (koji bi mogli biti potencijalni podzajmoprimci ili već sudjeluju u okviru Programa) uz savjete, obuku i druge aktivnosti informiranja s fokusom na prioritetna područja automatizacije i digitalizacije. Ova će se sredstva potrošiti u skladu s ASB pravilima o participaciji.

Dodatna vrijednost

Dodatna vrijednost se postiže kombiniranjem potrebnog dugoročnog finansiranja putem PCBiH s tehničkom saradnjom i poticajima za ulaganja u paket koji promovira automatizaciju i digitalizaciju, kao i zeleno kreditiranje u Bosni i Hercegovini.

Kontakt podaci kompanije

Hazim Arnautovic

H.Arnautovic@ProCreditBank.ba

+38733250950

+38733250953

www.procreditbank.ba

Franca Lehara bb, 71000 Sarajevo, Bosnia and Herzegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu

compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.